

校刊目經大成

序

嘗謂臨民不愛錢能為循吏視
疾不愛錢能為良醫吏與醫境
相遠而惻隱在抱福惠元元於
以入德一也是故阿堵物雖衛

生所必需非分所當得取尚廉
而與不傷惠可矣愛則涉欲欲
則貪念生所為不可告人予承
先宗伯庭訓成進士歷官少宰
寡過未能不愛錢三字守頗堅

年七十有二蒙

聖天子予告歸田復

覃恩特加一品得力亦未必不在此

黃庭鏡灘水一寒儒耳藉眼醫

活世餘口宜以錢為性命觀其

校刊目經大成序

閩中濳水族兄庭鏡手著目經大成而自
為序例魏相國定國表而章之其為書分
論症方各為上下卷近盱江鄧氏改名目
科正其序例任意竄易攘為已有而
玉峰氏瑛懷族兄嫡孫也乃以家藏本校
而刊之去偽存真悉還其舊嗟乎祖宗有

田宅他人冒而侵之其子孫能釐清疆界
以復故業猶謂之孝况是書之有功於世
本所心得精思審定豈容妄庸子竄易一
字使貽禍無窮哉夫人盲於目猶可言也
醫盲於心不可言也然盲心之醫禍至盲
百數十人之目而止若既自盲於心矣又
欲盡盲天下後世之醫之目使之真偽不

辨佞佞焉唯吾所出入而奉以為師相與
盲其心焉此其禍不胥天下後世之有目
者而盡盲之不止則王峰之汲汲是書為
天下後世之有目者杜絕受禍之原固非
第為其祖之書計也蓋用心可為至矣王
峰能世其賢且立心行已有祖風客信州
所傳漸廣而是書之校刊予尤嘉其志焉

因著之於簡端嘉慶戊寅上饒族祖香泉
序

爲

黃子不塵明同學弟也天安靈爽博學多能
其爲詩古文詞不落言筌自成一家向有抒懷
居存性見者無攀節想見其爲人惟惟括一
道不事人亦以疵醇然似不屑聽余堂廂
責之曰求名不務此是猶南轅而北轍也去年

離索而處與黃子曰疎濶方意恹恹
知悔以詩古文詞爲累不謂棄經史治岐
黃愛好古之心而好術也亦已久矣夫以黃子之
才吾黨素所推服使善其所善將立德立
功匪異人任駕駘如余莫得追其後塵顧
不自愛惜甘心降志以混跡于眼科中也悲

夫歐公遨遊名勝頗有遠名竊疑聰明欺人
未始為異適余疾明几喪遇治而痊因問
果何神秘奏效乃爾黃子遂、謝勿敏也發
篋得目經三卷讀之喟然曰不廢子游心
斯藝也一掃至此乎余雖不識醫覺醫
之源委洞轍若不止為專經而設抑且罕舉

快論驚心解頤又公并忘其醫書者如非
破格以漢觀覽實不失好古之率色云足
集出守爭存草先傳不朽視揣摩怡怡老
矩幄下而湮沒不彰者相去何如黃口難省
卑見而不為不自愛也嗟夫天有不磨之德化
成重離之書將昭耀于天下後世而盲者賴以

不盲彼昏不知學或等諸尋常方脈至欲
紫議于其間者其為盲也雖 聖子亦無術
以救之矣

同學兄李明謹題

序

目録一書求同毋窮庭鏡所編著也庭
鏡甫成童軒霞舉穎敏過人若父特
愛之寢處與俱遇事提訓一一理會以長博
涉在學時老父憐於酒食應酬筆墨皆
弟出愛益至居常語母大人曰雞鳴一鞭

求為先着矣然承予志終鏡也否則墜
厥業逮來叨附諸生若父尋竭謝塵土第
既文戰不利又當大事哀毀過情雙睛不利
於用乃放浪形骸每花辰月夕一二知己或
扁舟或名園或溪橋山寺隨在肖龍觴其
然竹具茶具文具嘯噉其間幾不知有身

此家人亦莫測所往已而博古為師力走丹
灶自作周旋病忽瘥遂以儒易醫不復尚
制科事矣近年游藝湖海算不較利戴德
者轉相牽引車馬往來無定日雖一時聲
施藉甚而家私銷耗不少蓋交游廣州費
用不貲四體惰而百務莫給也況弟年

三十有四子八人且抱幼耳非惜福養財何
以為茲貽謀一百徐及先子之諸弟而熟不自
安既而曰緩急人所時有能使鏡無內顧憂
有所成就眼前名不與若爭也明發皓皓
告母氏以服賈自豫而吳五載旋家風儀
言爰前浚判若兩人有頃出是書印可

細繹箇中妙理在在人未言與言過處側
鋒諧謔隨叙隨斷又有所見皆偕題發揮
其抱負根柢既積見地自高較諸坊本何
啻霄壤如恆疇昔快而生者蓋以為今日
地也嗟夫木樗夕死胡榮士固不長貧也
東方曼倩不云乎第有才如此而流落

不偶出天誘其衷成茲學術祇不授人
儒可世收其利似衷旻窮年徒讀父
書未饒出朋輩一頭地遑計身後名眼前
名耶於以嘆老父知子之明而嘉弟之志之
遠更喜北堂愛日母夫人娛樂如初謹陳顛
末以啟嗣子之善承厥業而承隆海內醫家

知汲古有識如庭鏡觀摩砥礪亦可以
奮狀興矣

同懷兄治子表序

先大父燕臺公精眼科本其心得著
為筆乘顏曰目徑大成藏諸家以
授先考在田公暨不肖璘亦遽付
剞劂也時時江鄧君贊友者叩
門請業大父樂育為懷不靳授
受出所著予以錄讀贊友於是

有其書矣逮大父謝世欲鐫板
力未及厥後聞贊友已為付梓
竊謂大父姓氏由是益著深歸
功贊友豈復更有他慮耶歲甲
戌璘游信江郡侯貫山王公相
召適晤贊友索刻本閱之竟

署曰目科正宗鄧某著輯吁胡為
冒其名以自見耶友名者因實
而著也實之不立名將焉附是出
也即贊自序某先生所授目
徑云云亦知實有不容掩者奈
何復冒其名以自見耶雖然吾

於贊矣何尤但細閱書內舛謬
殊甚淄澠並泛不獨有負先志
抑且貽誤後人中夜輾轉思更梓
借又苦力難支抑鬱者久之饒
邑族祖香泉先生家素豐而篤
義舉棄儒業岐黃究心方書瑛

以目強進不勝擊節曰吾兄深造
若此殆遠勝古人子符其新傳技
臻神妙亦固其所知予力難更梓
為之憮然者累日爰命表弟胡
君鵬南四令即文標共師事焉
傾金勒為車出此其歛得予術

以共濟世歟抑以廣大父之傳而無
致湮沒不彰歟嗟夫先生於先祖
遺書一見枕憊々如是若贊步者
親炙門牆詎忘教澤讀其書想
見其為人刻以垂世而沒其名是
誠不可解也今幸雕工告峻縷陳

顛末惟冀吾祖吾父在天之靈閱
其不逮默為佑啟庶家學淵源
不致或墜而叔祖同兩君贊襄之
力亦並垂不朽也矣

孫璧岑瑛懷氏薰沐謹序

族弟濬廻瀾氏謹書

理通太元者莫如醫而醫責十全者尤在目
蓋目爲人身至寶匪明則無以作哲古立專
科有以也今人以外症易識往往枵腹從事
邨學究問及之狃於小道賤役薄不經意故
書無佳本授受不得其人余時命不猶因先
子兄背明欲喪學殖頓荒先儒謂虛度歲月
無恩澤及人直造化中贅物乃廣購方書凡

涉眼症者考特力自治治人功效倍於老宿
遂藉此爲修德補過地然內障頭風針砭未
覩其秘不免缺而不全之譏或言培風山人
工是術所許治無弗瘥有心人願見之乎
懇爲介紹速而來洎至風儀肅整偉然一丈
夫也與語益異卽日請受業焉夫培風固江
夏舊家道高望重口不言錢相與客次名區

携囊揮酒殆盡是假游藝而遊俠者夙夜謹
事無敢怠山人度得其心法堅辭南歸爰治
具郊餞時山葉翳紅江濤飛白獻欬起吟曰
馬耳批風進入閭星霜三易鬢垂銀命續之
余曰知君到處留青眼長恐江湖斷送人語
冷而雋山人以爲知言大笑策馬而去嗚呼
以庭鏡之才未爲駕下顧一事之微用心如

此費資斧如此恭以禮人又如此而其技始
克進孰謂太元之理醫不通儒而十全之責
目不當嚴於他病乎博古尚論實有不容已
者歲辛酉春雨洽旬檢所筆乘症治分彙成
卷署名自經大成燕石自藏無敢問世家宰
魏大人一見悅服曰此有用之書願與天下
共之爲序趣付梓冢宰鉅鄉大儒言論不苟

伏乞當代高賢雖黃損益以教不逮

濰川不塵子黃庭鏡自序

凡例

一眼科古無善本。名家亦絕少發揮。行世者惟龍木論。七十二症。良方。銀海精微。諸俗刻。原機啟微。僅通。然太容易。審視。瑤函。係抄。彙成。書疵。弊多。端至。時師症方。卑歌。尤鄙。儻不足道也。若夫刀針等治。未需片藥。盲瞽立聞。何如神妙。以學難而教亦不易。情斯道世。無幾人。前書不自貶損。行且詆之。益可發噉。茲集無法。不備。無微不顯。敢謂經術湛深。頗得自家意思。一本經三卷。上卷立論。中卷攷症。下卷類方。論未明詳。於症。症未明。釋於方。書不盡言。辭且難記。立案作詩。

以括之。言不盡意。理有難明。旁通曲喻以曉之。在此在彼。後先輝映。

一鈎割針烙。有時日人神禁忌。痘疹瘳疫。有水碓符呪口氣。雜見方書。徧傳人世。以余觀之。直鬼道耳。人而篤信。竊恐爲鬼所笑。故凡涉荒誕邪僻。以禍福惑人者。語雖愷切。斥而不錄。

前賢醫案。備有神識。不惟當標集首。卽錄數則於座隅。足當舉一。然效顰之士。未得其清。先得其隘。守株失事。畧不懲儆。翻執此典故。以爲口實。所謂興一利。又生一弊也。不載。愚聞有案者。乃印症病情事體。故

立於本方本症之下。觀者察之。

一藥用湯者。蓋盪之也。治暴病用之。散者散也。治急病用之。丸者完也。治緩病用之。一劑一料。作者曲盡匠心。病情合度。實爲功用。間有不勝藥勢。與藥力不充。無妨對症。增刪。張氏謂古方今病。決不能相值。然則今症古論。又曷足以相從。元素之語亦過矣。其分兩九散三五錢湯劑一兩爲中正。年壯症險者倍之。小兒與不耐毒者減半。嘗見淺人治病。無長幼無輕重。無論湯劑九散。少以分計多則錢許。是將病試藥。以藥釀病也。班氏曰。不服藥爲和。醫殆爲此輩而發耶。

服藥節處。歷來有食前食遠食後之分。胡爲不列方
後。凡人飲食入胃。脾火變化。然後分布藏府。蓋胃爲
人身分金之爐。脾乃薪炭也。若上膈之藥。須令食後
中膈之藥。須令食前。下膈之藥。須令食遠。則治頭之
湯。以頭濡之。治足之湯。以足濯之。豈不更快。何必納
入胃中。而俟渠傳送耶。至於眠病。數居極上。其絲脈
又在肉理之內。藥之渣滓。如何能到。所到者。不過性
氣耳。必食後服之。胃中先爲若物所填。直待前者化
完。方及後來。是欲速而反緩。欲純而反雜也。汪認庵
明其道而謂不敢擅改。然不能無疑。腐儒無勇決類。

如此製藥勿委僮婦。藥料須揀道地。若以偽抵真。藥
將就。徒費功力。如炮煨者。以整藥炮裏。或濕紙重
裹。入於灰火中。煨令藥外有紋裂。內無白點。方熟。附
子。南星。豆蔻之類是也。炙者。以整藥塗壺。或薑汁酥
油。用炭火炙令香熟。甘草。黃芪。厚朴。龜板。鱉甲之類
是也。煨者。以整藥置爐中。炭火煑好。煉紅。或淨以醋
酒。童便。牡礪石。決明。盧甘。石礞石之類是也。飛者。一
切金石之品。任經細篩。終年塵硬。安可使入腸胃。須
用活水和藥加研。飛取其標。落底者再研再飛。以手
拈如粉爲度。硃砂。礞石。自然銅。鐵英之類是也。焙者。

以補氣血。火烘乾。切。大麥門冬。麋尾。石棗之類是也。妙者以銅鍋炒。砂鍋炒。候香熟得宜。毋致焦枯。煉者以銀器。錫器。煉至稠粘則止。不可太過。

一湯液之升合鉢兩。雖有定式。亦當因時制宜。不必泥古。仲景爲醫方宗匠。錄其方。而鉢兩不載。蓋猛重太過。恐我無彼見。病非昔比。不敢妄用。治人。他方亦爾者。示人以活法耳。李東垣謂古之三兩。卽今之一兩。古之一升。卽今之一大白湯。非惟強解。實覺背謬。何爲。卽如桂枝湯。桂枝三兩。大棗十二枚。竹葉石羔湯。石羔半斤。竹葉一把。誠如垣言。桂枝但只一兩。大棗

何用許多。石羔雖過倍桂枝竹葉亦不消一把。難道先朝花果數目色色與東漢迥異耶。

一某症列某方。不過提其大綱。如龍燈就月。引人上道。欲窺全豹。必入陣精熟。精熟之至。尚須以意圓通。庶方爲我有。可出而治人。若泥定成法。自首亦只庸流。一是集不日纂輯。編著。而曰筆乘乘也者。統所見所聞。始憑臆說。備載成書。猶焉乘家乘。文乘之謂。其中集腋爲裘。澤忘所自。安能直註某句係某人之言。某段出某書之論。間有引古折證。及獨出機杼。翻駁成說者。特欲質諸慧眼。不得不標姓字。以便參考。非敢點

金成鐵而又冒美眩名。

一從來方書節要者不無缺漏鋪衍者未免雷同茲集
症因脈治綱目井然似乎詳畧得中且章法整而句
調明達懶醫不艱博涉通儒亦可旁求總館披函帷
燈榻管載評載讀自有合轍逢原之妙

古今至言妙理直從肺腑中流出既無雕飾詎論出
處如灤滌皆山也不過卽目楓落吳江冷亦祇意想
必欲講求故實則六經皆杜撰矣又凡文章不險不
奇題義越難越易蓋文有文心題有題竅任拈窘無
情認定竅在某處便從某處構思思通機到心花頓

開。更用側筆。覩筆。反筆。傳語。警語。未經人道語。人不
敢道語。切實刻入。自爾奪目。驚人。譬鄧士載襲川。鑿
石登嶠。費盡艱辛。一望斷崖千尺。上下如削。稍前令
人破胆。惶如無地。然卒奮其智勇。一鼓成功。非越難
越。易不險不奇乎。徒以熟而鋪敘。博而織砌。所謂在
自與空疎。均非作手。甚而估個。聲牙艱深。費解。此文
壇慳鬼。亟宜屏絕。治病亦當作如是觀。是故本集寓
儒於醫。不落鉛槧家窠臼。絲絲之人。法吾言而行吾志。
則書有傳人。不憂覆轍。若夫附青雲聲施後世。繫唯
名山事業。非庭鏡所敢望。

以上凡例俱先祖自著贊去刊本一概削去又書印
凡屬先祖庭鏡名字亦盡抹消蓋欲掩其冒刻耳其
刊本字句舛謬錯落難以枚舉今悉照先祖原稿刊
印閱者鑒諸瑛又識

貫通	輪廓	三陰	三陽	表裏	臟腑
----	----	----	----	----	----

手太陽小腸	手陽明大腸	手少陽膽中	手太陰肺經	手少陰心經	手厥陰命門
足太陽膀胱	足陽明胃經	足少陽胆經	足太陰脾經	足少陰腎經	足厥陰肝經

命門膽中並辨於后


五運之圖



丁壬之年木運惡寒而
 又怕燥宜和劑以平之
 戊癸之年火運宜寒不
 宜熱宜涼劑以解之
 甲己之年土運愛煖而
 不愛寒宜溫劑以助之
 乙庚之年金運宜清不
 宜燥宜平劑以清之
 丙辛之年水運欲暖而
 寒則凝宜熱劑以溫之

六氣之圖

司天主在上半年



在泉主在下半年

子午卯酉年少陰君火
陽明燥金司天在泉宜
清之

寅申巳亥年少陽相火

厥陰風木司天在泉宜

涼以和之

辰戌丑未年太陰濕土

太陽寒水司天在泉宜

溫之

然當察病調治不可執

五輪主屬形圖

上胞名上臉為肉輪屬土

小角名銳眥屬小腸



大角名內眥為血輪屬心

鳥珠為風輪屬肝

下胞名下臉為水輪屬腎

瞳人輪屬火主治心

風輪屬木主治肝

水輪屬水主治腎


肉輪屬土主治脾

腎氣輪屬金主治肺

白珠為氣輪屬肺

五輪定位形圖

土為脾屬胞上



土為胃屬胞下

輪永為水屬神瞳

肺為金位主氣

脾為土位主肉

腎為水位主水

肝為木位主風

心為火位主血

大角屬心為血

白珠屬肺為氣輪

小角屬心小腸為血輪

烏珠屬肝為風輪


八廓定位形圖

艮位包絡
震位命門

坤位胃
兌位三焦

乾為

三焦位成龍廓



乾位大腸
坎位膀胱

巽位胆
離位小腸

坤為

脾胃位資生廓

離為

心小腸位虛聲廓

巽為

肝胆位定光廓

震為

命門位精鎮廓

艮為

包絡位育德廓

坎為

腎膀胱位宣化廓


乾為

肺大腸位行健廓

八廓分屬形圖

巽為風
離為火

坎為水
震為雷



乾為天
艮為山

坤為地
兌為澤

水廓屬膀胱名宣化廓

風廓屬胆名靖鎮廓

天廓屬大腸各行健廓


地廓屬胃名資生廓

火廓屬小腸名虛靈廓


雷廓屬命門名育德廓

山廓屬包絡名成能廓

開導前面針穴



開導背面針穴



太極陰陽動靜致病


貞	利	太極	亨	元
冬	秋	<small>陽動 陰靜</small>	夏	春
水腎	金肺	土脾	火心	木肝
瞳神	白睛	上眼	小腎	黑睛

肝氣不和昏睛黑花頭痛
 多翳膜蟹睛或陷冷淚
 心氣不和昏熱腫痛兩腎
 赤爛生浮翳血灌瞳神
 脾氣不和眼胞腫起弦爛
 努肉或臉翻偷針拳毛
 肺氣不和白睛腫起多淚
 肉滯血白膜侵睛淚將
 腎氣不和瞳青綠視物黃
 堆烟太陽如木花冷淚

針割鉤烙圖式

目齊大成

卷首 形圖



束式

全金造八牙柄

牙柄銀管川銅

鉄造成

牙柄銀管川銅

鉄造成

牙柄銀管川銅

鉄造成

牙柄上俱用數

銀造成

牙柄銀管川銅

鉄造成

老竹為之已上牙

柄和六寸方角

八

針割鉤烙用法

金針凡遇內障瞳神反背用之

刀遇努肉攀睛及蜬肉用之

刮爲椒瘡粟瘡及臉外生瘡俱用之

鉤割努肉攀睛翳刀用之

烙宜殘風眩風用之

三棱針爲急症開導放血用之

夾惟拳毛倒睫用之 已上用法詳列于后各症論內

目經大成目錄

卷一上

五輪

八廓

內景圖說

十二經經絡貫通血氣并手厥陰手少陽段錯

六腑三焦辨

運氣正誤

五行存疑

血氣體用說

情氣從名論

乙癸同源說

水火說贊

治効異同對

暑火燥熱異同論

頭風

治病必先求其本論

五藏苦欲補瀉解

品藥製方治病解

轉服之藥用須適宜說

制藥用藥論

辨病治病疑難說

開導

鈎割針烙

五行邪正致病暨虛實傳併統論

校刊日經大成卷之一上

平昌慎齋魏定國鑒定

虞汴不塵子黃庭鏡燕其

上邑族弟香泉必智學源恭閱

男鈕冰在田省畊原訂

孫 丰峰瑛懷校刊

門人胡鵬南騰膏

同校

受業

旗叔 大標庭樹

五輪

不聖子曰。目之爲體。曰靈照輝。稱其元始。乃火蘊血。血
化水。水養靈。靈護精神。氣爲運用。精華具萃。毫忽昭明。
方以日月定名。曰輪。五行之跡。著於輪中。左陰右陽。順
逆旋轉。名因之。上下兩胞爲臉。屬土。內應乎脾。輪曰肉。
夫脾體陰。而用陽。動則消磨水穀。靜則收攝血氣。動靜
決於臉。凡人顛勞欲得食倦。逸則思睡。此其徵也。又土
質敦厚。發育萬物。故四輪皆染涵養。而開闢以時。肉輪
兩角爲眦。外決於面者爲銳眦。近鼻者爲內眦。眦頭有
肉如珠。屬火。內應乎心。輪曰血。心之外有小心。亦屬火。

本經曰心君火也。人火也。通於內皆命門相火也。天火也。通於銳眚。然相火代君行令。雖有兩心。其輪則一。白睛屬金。應乎肺。輪曰氣。氣之周流如環無端。金之剛勁。是輪獨堅。造化之理。元妙如此。氣輪中青睛則屬木。應肝。輪曰風。世稱神珠至清至脆。不可磨涅。晶瑩如小兒之目。爲正。今人黃濁者。不飲食鬱氣。卽情慾耗血。非本色也。又木春生夏長。根枝連理。故人身筋系主於肝。而相火亦寓焉。風輪下一圈收放者。爲金井。井內黑水曰神膏。有如卵白。塗以蠟汁。膏中有珠。澄澈而輒狀類水晶。棋子曰黃精。總名瞳神。均屬乎腎。腎爲水火真源。神

光幽潛之所。四輪不能視物。惟此明察秋毫。輪曰水。詩曰。肝木風輪。乃青睛肉輪。黃土臉脾榮。水輪腎水瞳神。黑肺本金輪。白氣筋兩背血輪。心火赤。五輪元白五行生。五行分演成八卦。輪廓兼并藏府明。要知藏應五輪一歸乎氣。經曰。諸氣積鬱皆屬於肺。是也。所以者何。肺位至高。外主皮毛。六氣乘之。先發紅腫。爲痰爲淚。等次第而起。且火居金上。氣滿則妄動。金受火剋。氣輪愈亢。金又閉在木外。金能勝木。其病輒及風輪。風輪損。瞳神亦無用者。昏亡齒寒。輔車相依之理也。若夫情志白病。爲禍或倍於六氣。卽傳併亦不常。大概心主血。血在目。

爲神火過於思慮則擾攘而水脈懸滯脈氣不斷漸成
勞肉所謂火生土也再有波瀾勢必驟融風火合病至
胸主肉動其齒牙以殺生命亦能暴發腫痛與瘰癧齒
毒經以飲食自倍腸胃乃傷蓋一切飛潛動植安得與
氣稟咸宜但病屬有形可施攻伐求若飢苦內傷浸淫
至於皮急癢風終身治而無功肝主風見義敢爲其人
必善怒怒則相火上騰頭痛發熱甚而障膜頓生畏光
多淚絕似外感但脈不浮數時寒時復肺主氣抑鬱不
舒不時悲哭則形容憔悴雙睛陷而不潤金水相生內
外神氣多有因是而枯敗者陷主水水熱則沸寒則冰

動輒亂明靜能照物此藏由房勞致戾盲者萬千雖水
木同位別因亦常相牽掎只在神昏金非絕無內外症
人如積氣生精煉精化氣年登耄耋夜能讀細書倘未
老昏花流出無故視而惑妄者皆深病也統而言之經
曰精液之體重濁靜而屬陰神氣之體輕清動而屬陽
陰陽違和而日本病矣本病標現詳其始自何輪得何
色在氣在血某虛某實了然方寸則乘侮制化之理不
思而得而逆順隔奪之治自爾不勉而中旋乾轉圜直
令八日光照耀如日月矣爰合五行主居象形會意曰
五輪以便呼名云

八廓

不摩子曰八廓備位八卦脈絡左右經緯貫通藏府以
應乎八卦之氣又張小使大開橫五輪之旨故曰廓如
乾爲白珠絡通大腸之府藏屬於肺肺者相傳之官治
節出焉大腸者傳導之官變化出焉肺與大腸相爲表
裏主分疏溼潤上運清純下輸糟粕曰行健廓坎爲神
膏絡通膀胱之府藏屬於腎腎者作強之官技巧出焉
膀胱者州都之官津液藏焉腎與膀胱相爲表裏主陶
冶情氣氣布出清情虧構精曰宣化廓震爲青睛絡通
肝之府藏屬於肝肝者將軍之官謀慮出焉胆者中正

之官。決斷出焉。肝膽相爲表裏。主鼓發生機。怒不可遏。
邪莫能犯。曰鍾竈。離爲內腎。絡通小腸之府。藏屬於
心。心者。君主之官。神明出焉。小腸者。受盛之官。化物出
焉。心與小腸相爲表裏。主會通水火。下濟上行。品物咸
章。曰虛靈。離爲下脘。絡通胃之府。藏屬於脾。脾胃者。
倉廩之官。五味出焉。脾胃相爲表裏。主腐熟水穀。保合
太和。司培元氣。曰資生。艮爲上脘。絡通命門。藏固脾
屬。脾命者。亭毒之官。性質委焉。脾命相爲表裏。主絪縕
化醇。生而勿滅。予而勿奪。曰育德。離巽爲金井。經引髓
海。絡連肝。膈。髓。海水之源。肝。膈。木之寄也。肝。膈。與。髓。海。

相爲表裏。主血脈舒斂。舒則敷榮。斂生內照。曰定光廓。
京爲鏡。背經走臍中絡。及胃脂臍中火之帥。腎脂體之
充也。臍中與腎脂相爲表裏。主宗氣動息。動應無方。息
乃貞固。曰成能廓。詩曰。氣輪行健。始天工。水洊神膏宜
化同。百德上。抱山在位。資生下。臍地歸功。青睛靖鎮。須
雷動。內背並靈。任火通。再益成能。鏡皆澤。定光金井靜。
無風。其中藏府相配。一遵古人成法。而八廓命名。及點
三焦。以髓海。臍中。乃配肝腎脂。膈者。此不塵之劍。見蓋
日。曩專於肝。目光主於目。各有二絡之分司也。抑且右
目屬陽。陽道順行。右目病來速而去亦速。左目屬陰。陰

道遊行左目病來遲而去亦遲夫二目功效既法兩儀而八廓體用一諧四象自然之序非強合也人知身體小天地則天地定位山澤通氣之道明人知物理有制化則雷風相薄水火不相射之義得矣勿謂八廓猶三焦有名無實而鄙夷其說亦毋泥八廓卽八卦義攝理微而寡鑒其論

內景圖說

臟腑內景各有區別。咽喉二竅同出一腕。喉在前主出。咽在後主吞。喉係堅空。接肺本。爲氣息之門。咽係柔空。接胃本。爲飲食之路。二者並行。各不相犯。蓋飲食必歷氣口而下。氣口有一會厭。每物將嚥。會厭卽垂。氣口乃閉。言語呼吸。則會厭開張。故當食。舌舐着喉腕。遂嚥而咳。喉下爲肺兩葉白瑩。虛如蠶。其下無透竅。吸則滿。呼則虛。經謂之華蓋。取上覆而下能灌注之義。肺下爲心。尖長而圓。色赤。內孔數多。寡不等。上通於舌。下無透竅。心下有包絡。卽膈中也。象如仰盂。心處其中。寂然。

不自動。脾胃肝膽兩腎膀胱各有系氣於心。聽其臣使如
外邪乘侮。祇干包絡。心不能犯。犯心死不治。此下有膜
膈。與脊脇週迴相着。遮閉濁氣。使不得上薰心肺。膈膜
之下爲肝。肝爲血海。有獨葉者。有二三葉者。短葉中則
胆附焉。胆有綠汁藏而不瀉。上通於目。下亦無竅。書謂
肝竅通目。實胆也。此喉之一竅。以成脈絡。以奉生身者
如此。咽下爲胃。水穀等物一居其所。糧運之開津也。胃
左則脾附其上。色黃。形類刀鎌。動則磨胃。食乃消化。
胃之左右則小大腸環迴疊充滿。少腹大腸左側爲
膀胱。乃津液之府。上無入竅。止有下口。全假氣化施行。

氣不能化則洩溺不通而病矣。凡胃中腐熟水穀其精氣自胃之上口曰賁門傳於肺肺播於諸脈其渣滓自胃之下口曰幽門傳於小腸至小腸下口曰關門泌別其汁清者滲出小腸而滲入膀胱渣穢之物轉入大腸再傳廣腸如直下此咽之一竅資培氣血傳送糟粕者如此。三焦據經曰上焦如霧中焦如澀下焦如瀆又曰三焦者決瀆之官水道出焉不轉而荒惑人探討素心人閱愚辨白見腎有二精所舍也生脊脊十四柱下面曲附脊旁形如豇豆相並色黑外裹黃膜內各具白帶二條上條系於心胞下條過屏翳穴趨脊骨而通髓海。

南腎俱屬水左爲陰水右爲陽水命門卽在南腎前
中間主持諸氣陶養真火男女交媾先有火會而後精
聚可見天地生物火在水之先第生在先誠亦在先耳
是故趙養葵全部醫書以真火爲宗旨而加意於命門
蓋欲世之愛身者毋日夜殘賊此火治病者毋苦寒直
洩此火即使火似有餘緣真水之不足也毫不敢去火
只補水以配火火之不足亦未必水定有餘也更不須
瀉水就於水中補火明此水火樞要其臟腑內景可類
推矣經曰紀於水火餘氣可知

十二經經絡貫通血氣并手厥陰手少陽改錯

手少陰經經絡心足少陰經經絡腎手太陰經經絡肺

足太陰經經絡脾手少陽經經絡膻中足少陽經經絡

胆手厥陰經經絡命門多氣少血足厥陰經經絡肝手

太陽經經絡小腸足太陽經經絡膀胱多血少氣手陽

明經經絡大腸足陽明經經絡胃多血多氣詩曰手足

少陰心腎是肺脾全在太陰住膻中及胆居少陽六經

少血而多氣多血多氣陽明經手蓋大腸足乃胃厥陰

專屬命門肝太陽小腸膀胱係四經除命與腎同多氣

少血君須記愚按經者指藏府血氣流行經常不息而

言經絡者。該人身筋脈而言。直者爲經。橫者爲絡。始自藏府。末應百骸。陰生於藏。陽生於府。少陰盡於心腎。太陽盡於脾肺。兩陰交盡。是曰厥陰。命門與肝寓焉。少陽明於膽中。胆太陽明於小腸膀胱。兩陽合明。是曰陽明。大腸與胃係焉。此古聖賢分佈藏府經絡。後人莫敢更張。獨手足二字。不能無疑。切謂手之三陰。從藏走至手。足之三陰。從足走入腹。則上下不交。切謂手之三陽。從手走至頭。足之三陽。從頭走至足。則經絡失本。或曰三陰三陽。藏府之別名也。手足其姓爾。知其名。不必究其別名。焉問姓。至哉斯言。如必欲從古。務加經絡二字。庶

於手足稍有著落。

手少陰一云臚中。係心之胞絡。經曰臚中者。臣使之官。喜樂出焉。是君以心。臣以臚中。命門虛位耳。一云小心。係命門。經曰七節之旁。中有小心。是正以心。副以命門。臚中虛位耳。兩說皆自先哲。不知何者爲當。人謂小心卽臚中。玩諸內景明堂。按胞絡於戌上。圖命門於腎中。明是兩物。那得強合爲一。况命門一陽陷於二陰之間。男女歡會。令司出納。故凡慾一動。陽火感而勢舉。勢興。精泄。譬諸天地。陽蒸濕氣爲雲。雲被陰抑成雨。蓋此類也。臚中固心。臣使底事。確無証據。又且命門陰。

中之陽。元氣之精。生發之原也。不獨專守。却眠。靜。諸。繫。山走馬之燈。拜者舞者行者走者。皆此一點真火。以。致。之。此火一滅。萬象無有。腹中。但。胞之物。而能靈明。若。是。乎。此手厥陰。命門。言。下。了。然。矣。若。夫。十二經之官。惟。三焦。無形無位。即有如霧如瀉如積之體。不過其須有。之體。即有運精運神運氣之用。亦不過想當然之用。怎。見得。爲。手。少。陽。而。可。以。手。厥。陰。爲。藏。府。耶。按。腹。中。既。與。藏。府。一。路。則。腹。中。代。三。焦。居。少。陽。命。門。代。腹。中。居。厥。陰。焦。字。易。隔。字。豈。不。精。核。乃。舍。此。不。論。而。以。命。門。胞。絡。二。三。其。說。此。古。人。言。未。盡。善。疑。鏡。敢。得。而。私。議。焉。以。攷。定。

十二經經絡。斷以臚中爲手少陽，以命門爲手厥陰云。

六府三焦辨

自古臟腑表裏相配者。腎合膀胱。水也。心合小腸。丙丁火也。肝合胆。甲乙木也。肺合大腸。庚辛金也。脾合胃。戊己上也。陰陽五行所地所天。一五一十。自然之序也。奈何臟言五而腑獨言六者。何居。曰。維三焦。按三焦雖經云爲決瀆之官。其實無氣無形。夫形氣都無。則子虛烏有已矣。而乃與衆府並列。切於至理有碍。所以後世紛紛無所憑據。有分前後三焦者。有分手足三焦者。有言爲腎旁之脂。有言護諸陽之火。非惟畫蛇添足。竟是指鹿作馬。雪潭醫約。謂三焦確有一府。名曰孤府。其

言曰三焦所以際上極下象同六合而無所不包蓋卽
藏府之外軀體之內包羅萬象一腔之大府也所以中
清是孤之名而亦有大府之形難經謂其有名無形誠
一失也是蓋譬諸探囊計物而言其囊之爲物耳較前
數語尤覺可笑請卽其辭而明辨之彼旣知三焦爲府
則與胆胃膀胱大小腸相等何府有偶此獨爲孤藏府
之外軀體之內則膈膜膏脂而已那得有大府之形而
包羅諸藏其際上極下無所不包有形有名如囊如橐
除肚皮更無別物孤府却是甚麼且自家又有云腸胃
諸物以其皆有盛貯因名爲府三焦盛貯何物怎見得

為孤府張浮駕誕晉鼓痴人。蓋如此夫。嗟嗟。理有一元
事。豈偶然。傳訛日久。闕疑可也。苟有成見。辨而正之。亦
無害。如內經三焦六府之義。似明實晦。宜大家各抒所
見。惜皆無當至道。令人愈博愈惑。不得不妄駁其謬。非
敢故議前人而取罪當世也。讀者幸相審。且相諒云。

運氣正誤

太極肇分而有陰陽。陰陽變化而有千支。天干配合則爲五運。地支對冲則爲六氣。五運者木火土金水也。六氣者風火皆濕燥寒也。天道始於甲。地道始於子。天地相並。故曰甲子。天德終於癸。地德終於亥。道德以成。故曰癸亥。其中歷數相固有主運焉。有客運焉。有主氣焉。有客氣焉。主運主氣萬世不易。客運客氣每歲迭遷。請申其說。甲乙東方木也。丙丁南方火也。戊己中央土也。庚辛西方金也。壬癸北方水也。木爲初之運。火爲二。土爲三。金爲四。水爲五。詩曰大寒木運始行。初清明前三

火運居芒種後三土運到。立秋後六金運施。立秋後九
水運伏過而復始。萬年如此主運也。甲與己合而化土。
乙與庚合而化金。丙與辛合而化水。丁與壬合而化木。
戊與癸合而化火。甲己之歲土運統之。乙庚之歲金運
統之。丙辛之歲水運統之。丁壬之歲木運統之。戊癸之
歲火運統之。詩曰：甲己化土，乙庚化金，丙辛化水，丁壬
化木，戊癸化火。鄉名五運五運生歲首。尋此客運也。假如甲
己年甲爲土運，正月建丙寅，火生土，初之運卽土也。土
生金，二之運卽金也。金生水，三之運卽水也。水生木，四
之運卽木也。木生火，五之運卽火也。每一運主旺七十

二日。此天下在上為陽所以主乎運也。寅卯屬春。木也。巳午屬火。夏也。辰戌丑未屬土。土也。申酉屬金。金也。亥子屬水。冬也。初之氣為風。二為火。三為暑。四為濕。五為燥。終為寒。詩曰。大寒厥陰氣之初。春分二氣少陰居。小滿少陽為三氣。大暑太陰四氣徂。秋分陽明氣位五。小雪太陽六氣都。此主氣也。子對午。癸對戊。君火。丑對未。為太陰濕土。寅對申。為少陽相火。卯對酉。為陽明燥金。辰對戌。為太陽寒水。巳對亥。為厥陰風木。午之氣。君火主之。丑未之歲。濕土主之。寅申之歲。相火主之。卯酉之歲。燥金主之。辰戌之歲。寒水主之。巳亥之歲。風木主之。

主之。時曰：千年。歲在癸亥。若火對待先相上。丑未樂
水地中行。濕土司天。清風涼。寅申相火。孕生機。下喜風。
未相。歲盡卯酉辰戌巳亥年。司天在泉。應交接。此皆氣
也。假如千年。少陰君火司天。陽明燥金司地。上有石
行。太陽濕土為天之左間。厥陰風木為天之右間。所以
面南而仰其位也。下者左行。太陽寒水為地之左間。少
陽相火為地之右間。所以面北而仰其位也。一氣在下
一氣在上。二氣在右。二氣在左。地之左間為初之氣。天
之右間為二之氣。司天為三之氣。天之左間為四之氣。
地之右間為五之氣。司地為終之氣。每一氣主旺六十

曰。此地在下爲陰。所以主乎氣也。人稟陰陽之精。而固於兩間。所具藏府。應乎氣運。氣運相得則和。不相得則逆。客運加於主運之上。主氣臨於客氣之下。天時所以不齊。民病所由生也。從其氣運。調其主客。無使傷。涉何疾弗克。雖然。前說乃魏晉後數學人億中猶推卜星與等書。人以是受病。有之。醫以是克病。愚竊以爲未然。且夫天地之間。物理有常有變。運氣所主者常也。異於所主者。皆變也。常則如本位變。則無所不至。而各有所占。故其候有從逆。淫轉勝復太過不及。如厥陰風木用事。惠風和暢。草木榮茂。此之謂從天氣。明潔燥而無風。此

之謂逆。太虛沉凝。恍水不冰。此之謂淫。大風折木。雲物
混擾。此之謂鬱。山澤焦枯。草木黃落。謂之勝。大暑燔灼。
蜚蜚爲災。謂之復。山崩地坼。昏埃時作。謂之太過。陰森
無時。密雲晝佈。謂之不及。往往數里之隔。一日之內。氣
候不齊。而所應全異。隨其所應。疾病因之。法當雜合以
治。勿問運氣。况運氣各主一時。當其時則爲主。爲司天。
非其時而有其氣。則爲客。客氣既行。主氣伏而不見。爲
在泉。蓋宜體會天時。天時勝則舍人之病。用熱遠熱。用寒遠寒。
人病勝則舍天之時。而從人之病。用熱遠熱。用寒遠寒。
經曰。必先歲氣。毋伐天和。是也。卽春夏養陰。秋冬養陽。

之義。故晉不知年之所加。氣之盛衰。不可以爲工。區區年月干支。配合對沖。天下皆同。四時不變之候。遽謂通達運氣。彼人有病。演禽檢歷。而決其死生。何異以管窺天。以蠡測海矣。其不膠定運氣。而運氣默契元中者。差可以談太極陰陽變化無窮之妙。

五行存疑

五行者水火木金土也。何云平行。五者之氣行乎兩間。所以神變化而妙萬物者也。古人以五行配干支。配八卦。配四方。四時。豎身體藏府。聲色臭味。無不相配。言之數數再見不鮮。但相生相尅處。據醫理多有不符。誰曰無疑。顧可存而不問焉。是故趙養葵曰。世人皆曰水尅火。而予獨曰水養火。世人皆曰金生水。而予獨曰水生金。世人皆曰土尅水。而予獨於水中補土。世人皆曰木尅土。而予獨升木以培土。蓋水尅火。者後天有形之水。火也。水養火者。先天無形之水火也。海中金。不著況

土淘以砂石不假煅煉人聲肺金所傳清濁輕重出自
丹田且肺金之氣夜卧則歸藏於腎水之中腎中有火
金畏熱而不敢歸腎中無火金畏寒亦不敢歸故氣從
脾下逆奔而上者此腎虛不能納氣歸元也土有坤有
艮坤土是離火所生艮土則生於坎水陰濕勝腫滿者
導之不能補土以制之可也若寒泄洞洩必補命門相
火俾火能生土土強則有以防水陽能化陰陰化穢溺
分通矣木藉土生豈有相尅之理惟土搏於上則其根
下尅雷以助之風以散之雨以潤之日以暄之自然生
機勃發逮既說乎兌矣于是艮以止之坤以藏之以爲

來春發生之本焉。可以其尅土而動欲伐之也。况五行
生尅。獨木無苛。豈縱其類。垣斷井之能。不知歷幾多用
子。顧一日二日之木病。遂謂其尅土而遽伐之耶。不歷
子曰。世人只謂水生木。不知土亦生木。世人只謂土生
金。不知火亦生金。世人只謂火生土。不知土自爲土。世
人只謂金生水。不知水由土生。夫木之發也。氣也。春升
之氣也。陽氣也。元氣也。得氣也。同出而異名也。雖得水
則生。假無土以栽培。是水自旺而木自凋也。觀歸脾選
遙二方。則滋水不若疏土之爲快者。可槩見矣。金在鑛
中。非火不能煉出。出則又非火不成器。不尅木。不畏火。

所以洛書次七居西、金九居南、亭之毒之、益摩其形、質也、以故養心、諸湯強半、都是脾藥、不啻金土相生而兼理脾胃也。王衰補火、欲其煖而育物耳。生字斷講不去。懸想自古及今、同此天地、何有損益、使其間滄桑迭變、不過移東就西、並不從生化得來、或有以陶器取譬、去理益遠。夫生者自無而有、化者自有而無、化生者無而復有、器固火化、實上坯也。謂之火生石似矣。土云乎哉。至若甲巳化土、戊癸化火、暗生土、朱元晦曰、混沌初開、何常有土、自天一生水、而水之凝成處、乃爲土、堅者爲石、最堅者爲金、湧起者爲山、故山具水浪之形、然則水

銀、丹砂、石炭、石羔、綠礬、硫磺等。軟堅寒熱五色五味同出。山土却是何物凝成。又曰：天在地外，天外無水，地下是水，載故地浮在水上。與天相接。夫既云天在地外，則載地者天也。洪範一氣也。岐伯曰：地居天中，大氣舉之。邵堯夫因其說曰：天依形地附氣，其氣最縝，故能扛得地住。何以言水地浮水上，不崩必沉，詎能接天。且地須水載而載水者，却是甚麼。若曰仍是地，則水而地，地而水，將千萬重而未有底止也。不經臆說，乍可田父樵子，豆棚鬪茗，一資噓噓。肺金生水，氣化有之。若大江東去，不舍晝夜，特地氣上，騰耳看高山之上，瀑布飛流，碎壤

之中清泉溢出。汝漢淮泗由此匯而下注。李白詩曰黃河之水天上來。奔流到海不復回。曾謂何物金神而能生生若是乎。抑且水火隨處有生機。端不全仗金木。如方諸聚金華取水。呵氣取水。鎚鐵取火。擊石取火。圓鏡取火。水中有火。火中有水。有木中水火。金中水火。土中水火。永有陽有陰。火有陰有陽。陽火者天日之火也。六氣爲暑病。卽傷暑中熱。可以涼水沃之。可以苦寒解之。陰火者燈燭之火也。須以膏油養之。不得雜一滴水氣。得水卽滅矣。水中火者龍雷之火也。無質有形。得雨而熾。得陽而熄。人身性火亦猶是也。平日不能節欲致陽。

真陰盛。龍火無藏身之位。時遊於上而不歸。是有上脘
煩熱。咳嗽等症。善治者。以溫胃之藥投之。一霎烏有矣。
土中火者。乃爐灶中無焰炭火。得木則然。見濕則滅。實
以溫灰。經宿不燼。故脾胃中火。多以甘溫藥之職。是故
也。木中之火。緣有活水滋潤。畧不外現。若乾柴生火。燎
原不可遏抑。力窮乃止。人身肝火內熾。鬱悶煩燥。須以
辛涼發達之品。使透其性。否則寒藥投之。恐愈鬱。熱藥
投之。恐愈熾矣。金中之火。凡山中舊有金銀鏤。或五金
壅埋處。日久夜常耀耀。此金鬱土中。不得泄其精靈。時
有堅光發越於外。人身皮毛空竅中。覺如針刺。蚊咬。及

項如、火炙者、此肺金氣虛、火乘虛而現也。又或珠藏
川如、玉韞山輝、寶氣使然。觀人氣盛、則丰儀華潤、可貴
其意、陰水者、雨露霧是也。在人爲汗、爲淚、爲涕、陽水者、
精瀆是也。在人爲便、爲溺、木中之水、木中之脂液是也。
在人爲髓、火中之水、火中之精、金是也。在人爲血、土中
之水、井泉是也。在人爲唾、金中之水、水銀是也。在人爲
精。又五行生中有尅、尅中有生、生不敢尅、尅不敢生、亦
有至理。未經聞發、姑舉一以該其餘。生肝者腎也。有日
乾涸、不能得水、而反得火、木既失水、容易枯槁、再受火
德、則龍雷並發、必致焚裂之禍。尅水者土也。不制其勝、

火不敢近。何以生物。然水得土爲疆界。則淵源有自。故水裏補肺以滋之。尤當培土以蓄之。心爲肝子。木不敢生。火何患。不見肺邪。盛而肝畏尅乎。已身不保。安能庇人。要知欲其生。防其尅。則生不掣肘。忽其尅。助其生。則尅且剝膚。水雖陰險。土多畏而不敢尅。蓋肺金之氣王。肺金王。生水勢益跋扈。心知縱恣。不可奈權已下移。驟欲威屈奉命。變生叵測。其他有曰。君火生土。土復能生相火。故五行獨一。惟火有二。究竟似是而非。有曰。木乃生生之原。天地無木。成何世界。有曰。肺金位高百脈皆朝於肺。有曰。心火一身之主。主不明則十二官危。有曰。

爲萬物之母。補腎不如補脾。有曰：水爲萬化之源。脾爲尺。人之有尺。猶樹之有根。因無能爲害。似乎貴重太偏。否則有曰：惟金能生水。生矣。金爲乾。爲天。土爲坤。爲地。乾父坤母。萬物資生。萬物資其生。自身惡得言。豈女媧屬梁母氏。而盤古乃外祖乎。卽就五藏而言。金主肺。居身極上。以氣攝血。以養百骸。不信系出脾土。脾土運化水穀。聚藏倚爲性命。何乃爲貪心火。且金生於土。土生於火。火未托生時。竟無脾肺。竟無天地。爾開眼遺例。令人噴飯。有曰：戊土生寅死申。巳土生申死寅。不開坤原。載物悠久。無疆。戊巳入世。何土寅申迭

爲生死穿鑿。然則求道之明。爲道之順矣。嗟夫。一五行耳。一藏府耳。顛倒持論如此。而猶不得其情。此所以神變化而妙萬物者也。若夫天數五地數五。五位相得而各有合。因而干支錯配五行八卦。流行對待以成律歷。星卜風鑑地輿之書。後人奉爲津梁。豈五行之外別有一本火土金水乎。然則不塵義舉之說。非惟有乖經旨。於自家著作仍多不符。是尚望後人之敬聽者哉。有而不問。又誰曰不然。

血氣體用說

太極之道動而生陽靜而生陰是氣血人身之兩儀也。血爲榮氣爲衛榮行脈中衛行脈外是氣血陰陽之體。凡也以體言飛殿翬翬者雲也故氣象雲汧浴澤沛者水也故血象水以用言輕清上覆無形而致形者爲天故氣擬天重濁下載無物而有物者爲地故血擬地天降地升雲騰水流萬物適其性而發榮陽平陰秘氣行血隨百骸得其調而大治反此則藏府違和能上空竅作逆是故血雖靜欲使其行不行則凝凝則經絡不通氣雖動欲使其聚不聚則散散則經絡不收不收不收

邪則其間而入。飲食用從本生。七經曰。足陽明胃之脈。常多血多氣。又曰。常生氣生血。手少陽小腸之脈。斜絡於目眥。足太陽膀胱之脈。起於目內眥。二經多血。少氣生多。無益少。則固能爲禍。且腸胃如市。無物不藏。遇風則暴露。腸胃如爐。無物不化。遇寒則阻抑。一阻一暴。邪則乘時而出。爲陽病。從末生也。再飲食不節。無時勞怒。凝者愈凝。散者愈散。本末俱生。遂混而成結。結則無所去還。故爲疔。爲瘡。爲絲。汨爲癰。障畢具於兩目之中。而變化莫測焉。於以知血氣之體。猶太極氣血之用。猶陰陽以其盛也。斲之喪之。而乃與荆蔓爭腐。以其衰也。培

之渥之而乃與松栢並壽矣是爲說

情氣從召論

夫以陰陽五行而成四時。其生長收藏者。則在厥陰風木。少陽相火。少陰君火。陽明燥金。太陰濕土。太陽寒水。是謂六氣。六氣之發耶。發而皆中節。則萬物俱生。六氣之止耶。止而皆不宜時。則萬物俱死。故曰。生於六。死於六。人身藏府百骸。而總萬事。其老病死苦者。則爲七傷。陽怒傷肝。憂傷心。思傷脾。悲傷肺。恐傷腎。驚傷胆。是謂七情。七情之來耶。薄以待之。其去也速。則九竅俱生。七情之感耶。溺而愛之。其陷也慘。則九竅俱死。故曰。生於七。死於七。目竅其一也。極其毫之細。極山川之大。與雲

在之而泉沙之深。精華洞徹。容光必煥。蓋生生自然之
神。卽造物亦莫能究其所以然也。乃人不珍惜。七情內
汙。六氣外從。且從且汙。則生生自然之體。不爲生生自
然之用。以故尅我冲我。乘我侮我。未能承制於陰陽藏
府之間。乃致其病。其病不一。大而言之。凡病凡因。莫不
由此始。小而言之。固只六氣七情而已。雖然。氣則六矣。
夫人所謂七者。抑之者。書無註釋。惟情則七矣。其書所以
體貼斯七者。吾不服膺。何則。六氣本言景運。既與人身
相涉。曷不完其所自。且分佈陰陽。與藏府不符。如肺與
大腸爲藏府。肺爲金。大腸爲陽明。何燥金不在肺而在

大腸相火者命門也肝也何乃又屬少陽且命門與肝
兩陰交盡何火為少陽而木為厥陰耶七情拂人天性
其原皆根於心然後各從其屬何可憂之事則傷心而
有所思者獨傷脾乎且喜居泰道亦云傷陽則天下除
土傾木側以外無一非帶傷之人矣吾日持此數說質
諸老宿卒無有折衷者其言自可寢爾但思有濟於物
不得不強作解事使人於六氣七情得其體貼知所干
犯而已矣豈故好為穿鑿貽笑於大方家也哉其畧曰
勞役躁暴之人所動者陽故風木從之憂鬱過慮之人
所奪者神故君火從之酒肉困瘦之人所停者痰故濕

士從之。好勇鬪狠之人。所激者氣。而燥金從之。妄想作
強之人。所喻者精血。故相火從之。沉靜衰邁之人。所淫
者陰。故寒水從之。夫如是而註釋。則六氣屬兩儀。爲四
象。總可以不問矣。思而因結。主傷乎心。怒而嫚罵。主傷
乎肝。饒而極味。主傷乎脾。甘與而失聲。主傷乎肺。恐而
戰慄。主傷乎腎。驚而震跳。主傷乎胆。慾而癢癢。主傷乎
命門。夫如是而體則。則七情歸某藏。移某府。庶幾或妥
當矣。人知天氣卽人情。陰陽卽藏府。則知情氣元不于
人。顧人自召而從之耳。七情弗召。六氣弗從。故曰。生於
六。死於六。生於七。死於七。君子曰。夫夫也不揣陋陋。輕

議古人庭鏡有罪過而曰盡信書則不如無書則至義
孰何妨自哉作古庭鏡少逃其責

乙癸同源說

古稱乙癸同源。肝腎同治。其說維何。蓋火分君相。君火
居乎上而主靜。相火處乎下而主動。君火惟一。心主是
也。相火有二。乃腎乃肝。腎應北方壬癸。於卦爲坎。於象
爲龍。龍潛海底。龍起而火隨之。肝應東方甲乙。於卦爲
震。於象爲雷。雷藏澤中。雷起而火隨之。澤也。海也。無非
水也。無非下也。故曰乙癸同源。東方者。天地之春也。勾
萌甲拆。氣滿乾坤。在人爲怒。怒則氣上而居七情之升。
在天爲風。風則氣鼓而爲百病之長。怒而補之。將逆而
鬱。結風而補之。將暴而摧折矣。北方者。天地之冬也。草

水黃落六字蕭條在人爲悲恐則氣下而居心中之陰
在天爲寒寒則氣慄而應萬象之其恐而渴之將悚而
顛朴寒而渴之將飲而戰慄死所謂東方之木非虛勿
補腎所以補肝北方之水無實毋渴渴肝乃所以
渴腎中有至理也故曰肝腎同治雖然木既常實其水
既常虛耳又言補肝渴腎者何哉蓋邪不可亢亢則害
正渴之猶補之也正宜長固固則禦邪補之猶渴之也
若夫血不足者渴之水之屬也滋水之源木賴以榮氣
有餘者泄之木之屬也伐木之幹水用而充則又是肝
腎同源矣少火生氣氣有餘便是火壯火食氣氣不足

便是寒濕木所以抑氣補水所以制火氣卽火卽氣
則又是乙癸同源知是爲說

水火說贊

天地生化之機。水火而已矣。宜平不宜偏。宜合不宜分。火性炎上。有以下之水。性就下。有以上之痰。浴於中。無致盈虧。名之曰交。交則爲既濟。不交則爲未濟。交者生之象。不交者死之徵也。夫亢旱不生物。火偏勝也。汎濫物亦不生。水偏勝也。風露和均。雨暘時若。承平之瑞也。承平既久。民物雍熙。國運日以興隆。人身之水火。卽氣血也。卽陰陽也。孤陰則陽無以生。獨陽則陰無以化。氣化則爲火。血化則爲水。氣血爭化。並行不悖。陰陽各得其所。然後水生木。而肝榮。木生火。而心王。火生土。而脾

健土生金而肺潤。金生水而腎足。轉轉相生。百骸九竅。力司厥職。生長收藏。與時偕行矣。或謂凡物孕於陰而誕於陽。孕者蘊積其中。血凝有餘。誕者發泄於外。氣應不足。不足有餘亦是偏。偏則不合。故氣血俱要。但益氣宜倍於補血。非特却水昂火。蓋天包乎地。陽統乎陰。不如此不得其調勻也。所以陰症用熱藥。熱則助其氣。陽症用寒藥。寒則涼其血。血偏而使之平。火一炎上。若以降水一就下。辛溫以升。山分而使之合。若升之不止。降之不下。熱之不熱。寒之不寒。是曰未濟。未濟則病且趨愈下。而命將絕焉。故曰交者生之象。不交者死之徵。

也不觀之金甌變乎。水居其上，火處其下，水火一交，生氣沸騰，五穀隨熟，人乃得而食之。是人所賴以滋培者，不在五穀，而在水火也。然則人身也，天地也，天地也，水火也，生之化之，既濟未濟，不言嘿喻矣。

贊曰：天一之精，地六之靈，其色元蒼，其性和平，其德務滋，有淵靡盈，防之如城，守之如瓶，既清既靜，乃能神明。

太極未分，命寓無極，太極既分，數成以七，澤被生民，無聲無色，消則陰霾，長則姦赫，允執厥中，是爲至德。

治効異同對

或問古之上工。先精學業。次達人事。見機而作。因時而變。所謂症同而治異者。有諸。曰夫人病有男婦嬰孩。氣血寡老弱。胎前產後。八因新感。虛實輕重。與夫平時之性。氣。近日之苦樂。曾否服藥。已未成症。千態萬狀。不可勝紀。安可一概而施。或曰。今之時。手有易於富貴。難於貧賤。有貧更易於富貴。更難於賤。所謂治同而効異者。何爲。曰。統緒之屬。多志樂性驕。博奕飲酒。雲雨不節。一有所忤。暴怒叫跳。再或好獵好地。好訟。不啻晝夜。致五內之火俱動。且湯液萎之。僮婦煎制。切恐失宜。責以近功。

速應難矣。至若起居顧養。從心所欲。壁上呼階下。百
諾。則此似爲易易。清操家命。苦形勞。菽粟往往不繼。邊
計藥料。一暴十寒。訓熒大費工程。至若風露經價。些須
外邪。驅之便去。卽藜藿素虛。隨與甘溫重劑。一補而愈。
或曰。人生斯世。行樂及時。縱情縱慾。賢不肖皆不免而
難戒。但他病肢體疲癢。諸緣放下。不戒猶戒也。目病虛
實。皆火。精力時與平居爭強。所可守者其身。而不可問
者其心。戒猶未戒也。必不得已而去。不知何者爲先。曰。
怒與色。下而賄。蓋怒似風狂。於象爲雷。語曰。雷自木發。
枯槁引之。且雷風相薄。非木不助其威。是以聖人作易。

凡涉乎震體者。示警尤嚴焉。色爲情祖。一名腎賊。人身
藏府皆火。賴此一點真水以滋之。豈可暴殄。丹溪曰。人
心若火一動。相火卽起。雖不交而精亦暗流。彼陰虛火
動。不自將息。反假房事以洩其火。轉恐火未熄而焰愈
熾。焰愈熾則勢益舉。交益久。洩益多。寧有不竭之精不
喪之元者乎。賭博犯法傷財。而游民浪子視若性命。庭
鏡實不能解。謂其貪得使然。顧揮金若土。全不珍惜。謂
其遺懷而致。却角氣焦思。神常失守。甚而典賣。序盡廉
耻。不顧其不爲梁上君子幾希。夫目爲肝腎外候。未有
外病而內無恙者。不去乎此三事。則輕症變重。重症變

爲不治。司是業者。當直言無隱。不則善爲辭。以諷之。或
先是其所以取怒。率情之故。迷機投言。進徐徐以理。勸
其可止。自然氣平。心冷。用藥任錯。綜變化靡不合道。雖
症有不同。而治効則一。庶本科無不起之病云。

暑火燥熱異同論

暑熱同氣也。昔分爲二。燥火異體也。今合爲一。李明之曰。靜而得之爲傷暑。動而得之爲中熱。蓋謂閑逸人。偶憩廣亭高樹。爲水木陰寒所抑。天氣不伸而傷暑。辛苦人負重勞作。耦耨運役。火暑迫逐而熱中。王安道以靜得者卽是陰瘧。非暑也。邵行甫曰。暑與熱同氣而異名。大概謂日中火烈。行人趨程。未能便食。口體如燒。卒然昏蹶。不省人事。爲中暈。名中熱亦可也。素封家無長幼。寒暄皆不能耐。甫入夏。卽池亭水閣。安其身。沉李浮瓜。爽其口。晝則環水揮扇。夜卧以竹簟藤床。炎蒸不來。清

風滿座內有伏陰。外受涼氣。汗不出則陰愈入而陽愈不發。一時昏暈。寒熱交作。嘔吐腹痛。乃夏月感寒。不可執暑令之說。而用治暑之劑也。三說行甫爲優。安道次之。愚意大暑流行。無所不至。縱涼以冰扇水石。終不到凜冽地位。且外寒所遏。暑火不伸。則寒爲標。熱爲本。只先以輕清散其表。繼以涼平清其裏。終以辛甘溫遂其初。無不愈者。若便名陰症。名感寒。一用辛熱之物。亦已過矣。神靜陰生。形役陽亢。生陰者。藏府天成之火。眞火也。亢陽者。物欲過極。擾亂逆鬱。藏府之火。迭起。名曰五志之火。邪火也。天成之火。生生不已。五志之火。乃能爲

病火分邪正。燥一於虛。經曰：諸濕枯涸，皴揭乾勁，皆屬於燥。河間曰：風熱火同陽也。燥濕寒同陰也。第燥金雖屬秋陰，而異於寒濕。反同其風熱。東垣曰：飢飽勞役損傷藏氣，及食辛熱厚味，助火耗血，致真陰虧少，便難燥結。然亦有風熱陰陽臨事當分別主治。如火盛風生，風能勝濕，風燥也。風勝生熱，耗其津液，熱燥也。陽實陰虛，丙火熬乾癸水，陽燥也。風勁清肅，燥氣人裏，出於皮膚陰燥也。若夫內外發熱，皆火燥，皆有之。望問不得其情，須微以診切。客感風寒發熱，脈浮緊，頭痛鼻涕，明知其熱在外，汗之而已。內傷飲食發熱，脈滑數，胸滿噎氣，明

知其熱在內。消導則安。熱發脈無神。力四肢倦怠。有汗不惡寒。此勞損表裏無症。補養自退。陽虛發熱。不任風寒。自汗脈浮濡。或大而無力。陰虛發熱。脈數而微。此或清小。冬作於午後。轉熱者。手足心熱。肌膚不甚熱。熱不伸越也。煩熱者。卽虛煩躁熱也。勞熱者。其熱在骨。骨蒸熱是也。總而言之。熱有虛有實。虛者燥實者火也。熱有中有發中。自外來發由內出。雖欲合之。焉得而合之。暑熱之中。入發於症。爲火。是暑卽火。火卽暑也。火威之炎烈。冷物近之。必熱。是燥卽火。火卽燥也。雖欲分之。焉得而分之。嗟夫。暑火燥熱。體氣異同如此。昔分今合。固在。

圓機者默相商確也。故諺有之曰：後之視今猶今視昔。此合彼分是二見一。

頭風

頭風卽首風也。經曰：首風之狀，頭面多汗，惡風，當先風一日，則頭痛甚，至其風日少，愈。一風氣循風府而上，則腦痛，曰腦風。經曰：頭風者，本風寒入於腦髓也。頭痛數歲不愈，當犯大寒，其人素有痰火，風寒客之，則熱鬱而腎悶，似痛非痛，曰頭暈。有目花、黑暗、視定猶動，且身轉耳聾，如立舟車之上，起則欲倒，甚而嘔吐，飲食罕御，此肝木爲風所撼，鼓動其氣，痰火隨氣上逆，倘因吐衄崩漏而致，此脾虛不能收攝血氣，使諸血失道，或酒色過度，腎虛不能納氣，逆奔而上，或虛極乘寒得之，曰頭眩。

若頭暴痛不可忍。有如劈如絞者。但各頭痛深而久而愈。各頭風亦可。痛風必害眼者。經曰。春氣在頭。風氣通於肝。肝竅開於目。故也。要當首辨六經。次厥痛。偏痛。真痛。次血虛。氣虛。濕熱。寒濕。不等。如太陽頭痛者。惡風寒。脈浮緊。痛在顛頂兩額角。少陽頭痛者。寒熱往來。脈弦。痛連耳根。陽明頭痛者。發熱自汗。脈浮大。痛在巨陽穴。連目背齒頰。太陰頭痛者。必有痰。體重。或腹痛。脈沉遲。頭重。少陰頭痛者。是寒氣逆爲寒厥。脈沉小。厥陰頭痛者。吐痰沫。厥冷。脈浮緩。痛引目系。此六經頭痛多挾外邪也。血虛頭痛者。自魚尾上攻。脈浮而無力。氣虛頭痛。

者耳鳴九竅不利脈沉濡濕熱頭痛者心煩惡熱頭重而天陰轉甚寒濕頭痛者氣上而不下或時泄近濕熱之物則稍鬆偏頭痛者邪正相持勢不中立邪氣運行正氣則壅遏而痛在左主風主血虛在右主氣主痰熱亦間有虛寒者厥頭痛者所犯大寒至骨髓髓以腦爲主腦逆故頭痛脈沉遲眞頭痛者痛甚連腦戶手足寒至筋脈遲極而止旦發夕死夕發旦死此七種頭痛多由內生也外此若眉稜骨痛甚旣而上攻頭角下注目睛者有屬心肝壅熱有屬風痰上逆有濕氣內鬱有風寒外挾纔見光明則睚痛者此肝虛痛而眼不可開晝

靜夜劇此脾胃停飲上木不和頭痛旋去旋來倏在此
一點在彼一片此下虛上實遊風流火丹溪曰頭痛多
主於痰甚者火有可吐有可下者此未窺全豹不可輕
從執事者必先視其所挾究其所因定以經絡參合脈
理然後施以某陣某方庶可差救其弊中工知頭風於
目不利絕不考其所自粗工只就目論症連頭風都不
識得甚至有妄亂激成頭風者爲之太息是故本集於
風之一字言外致意焉頭風雖另列症內終乎分辨不
清因不厭瑣細謹編如右兼誌其眩暈頭痛云云

治病必求其本論

家師嘗講內經。至治病必求其本之句。余於言下頓悟。乃瞿然而起。喟然而嘆曰。有是哉。軒岐之入人深也。一貫之傳。寧必口授者之爲有得耶。葛藟之言。敢請盡陳於前席曰。夫日本陰陽五行相生相配而神明。少有偏損。六淫之客氣乘之。其所以爲疾者。固非見症醫症之所能治也。經又有曰。資其化源。則求本之義著則明矣。故夫脾土虛者。溫煖以益火。肝木虛者。濡潤以壯水。肺金虛者。甘緩以培土。心火虛者。酸收以滋木。腎水虛者。辛潤以保金。此顧母之本也。木欲實。金當平之。火欲實。

水當平之。土欲實。木欲平之。金欲實。火當平之。水欲實。土當平之。此對待之本也。金爲火尅。瀉心在保肺之先。水受金殘。平肺在補肝之先。土當木賊。損肝在扶脾之先。水被土乘。清脾在滋腎之先。火承水制。析腎在養心之先。此間邪之本也。金太過則木不勝而金亦虛。火來復母之仇。木太過則土不勝而木亦虛。金來復母之仇。水太過則火不勝而水亦虛。土來復母之仇。火太過則金不勝而火亦虛。水來復母之仇。土太過則水不勝而土亦虛。木來復母之仇。皆亢而承制法當平其所復扶其不勝。經曰無翼其勝。無贊其復。此防患之本也。木極

而似金。蓋木尚密則招風。風勝則折。非金伐也。宜溫而兼導。赤火極而似水。蓋火我熱則汗流。汗過則冷。非水伏也。宜降心而兼清脾。土極而似木。蓋土濕則崩。燥則裂。非木疏也。宜理肌而兼調氣。金極而似火。蓋金鎔則燬。物擊則生火。非火煉也。宜瀉白而兼利水。水極而似土。蓋水凝則冰。冰堅則任重可載。非土填也。宜煖腎而兼平肝。此釋疑之本也。至於熱極則生寒。寒極則生熱。譬諸天時。朔風凜冽。繁霜大雪。天必晴。南風煩悶。礎潤蒼霤。天必雨。夏至一陰生。冬至一陽生。物極必反。理之自然。此變病之本也。大寒正盛。熱之不熱。候忽往來。

見晝止時節而動是無水也。無水者壯其之熱火者益其源。經曰諸寒之而熱者取之陰。諸熱之而寒者取之陽。卽此義也。此求屈之本也。大熱發口舌燥渴非陽虛乎。倘視其面色赤此熱陽也。切脈沉小而無力或略大不倫此係陰盛於下逼陽於上。假陽之症。試以假寒之藥從其性而折之。頃刻平矣。披裘向火手足厥冷此陰虛乎。倘視其色滯切脈微大而數重按益有力此寒在皮膚熱在骨髓。假寒之症以辛涼之品溫而行之。一汗而愈。此識症之本也。若乃六淫客氣雖有定例。第入

感深。感淺。難以定論。僅謂風兼寒。兼濕。當從溫散。兼熱。當辛涼。獨寒。溫熱。兼濕。當燥。疹。中暑。從清解。加益氣。溫。外受。當溫散。內生。溫。補。兼熱。當從清利。燥。本枯槁。之原。內傷者。強半。當清溫。不可過涼。蓋涼。屬秋令。既牒戊土。復凌乙肝。縱得燥去。而土木焦槁耳。火之原。元在水。中。與真精。相爲運用。火之邪。游行水外。與元氣勢。不兩。故有火者。必元氣傷者半。陰水虧者半。正治。益熾。從治。乃息。惟驟受外感。輒而成熱。斃行涼平。此慎藥之本也。夫日不求五行制化。陰陽六氣之本。見紅退紅。見腫消腫。寒不應則熱之。熱不應則寒之。是疾不廢。而求速其

廢也。雖廢乎證。其實廢乎藥也。況且世人之舉。多真虛
假實。本科之症。多上熱下寒。始而涼劑進之。一服非不
爽快。醫者病者。無不以爲道在是矣。稍久則食減。又以
爲食不化而消耗之。再從熱愈甚。煩燥愈加。咳嗽愈多。
猶謂藥力欠利。寒涼增進。而濕泄腹脹之疾作矣。以用
寬胸快氣。至此不敗。將待何時。是故咳嗽吐血。時時發
熱。未必成癆。服四物知柏之類。不已。則癆成矣。胸腹脹
滿。悒悒不快。未必成脹。服山楂薤麥。不已。則脹成矣。面
黃跗腫。小便秘澀。未必成水。氣滯膈塞。飲食難入。未必
成噎。入五苓散。利不已。則水成。青皮枳殼。消耗不已。

則噎成矣。筋骨掣痛。溼散無用。未必成痺。睛久赤痛。沙
澀難開。未必成障。搜風化痰。不已則痺成。發表攻裏。不
已則障成矣。成則不可復藥。乃曰病犯條款。雖性命之
重。無可如何。是尚論脈目乎哉。所以治病。必求其本。良
有以也。總而言之。死以生爲本。欲救其死。勿傷其生。邪
以正爲本。欲攻其邪。必顧其正。陰以陽爲本。陽存則生。
陽盡則死。靜以動爲本。有動則活。無動則止。血以氣爲
本。氣來則行。氣去則凝。症以脈爲本。脈吉則吉。脈凶則
凶。先者後之本。從此來者。須從此去。內者外之本。宣明
者順。潛蘊者逆。上下迭爲本。病在上者。散之不得。必引

而通之使邪從下出病在下者伐之不得必提歸陽道
使邪從氣化緩急虛實互爲本病屬於實宜治以急蓋
實者邪勝苟不卽逐爲補導延故治實有巧法而無遲
法病屬於虛宜治以緩蓋虛者精奪惟一於補且無延
功故治虛無巧法亦無速法若夫醫家之本在學力學
力不到不識現在安能經方致遠尤忘者不矜慎而自
是病家之本在隆師遇士無禮不可以得賢焉望同天
轉且尤忘者好兼聽而無斷是故列子曰聖人不察已
然而察其所以然淮南子曰所以貴扁鵲者知病之所
由生所以貴聖人者知亂之所由起此知本之言也君

不見栽花木乎。根本被鋤。生機已損。末欲萎爾。不培植
水土。而又修以刀剪。未有不槁而焚者。鄙見如此。不識
有合於大道否。家師心初薄之。至是亦懼然而起。喟然
而嘆曰。大哉論年。闢然入軒岐之室矣。命筆之書。以俟
精醫學印正焉。

五藏苦欲補瀉解

五藏各有天性。遂其性則欲。違其性則苦。本藏所苦爲
瀉。本藏所欲爲補。蓋指水潤下作鹹。火炎上作苦。木曲
直作酸。金從革作辛。土稼穡作甘。五味而言。如肝苦急
急食甘以緩之。肝欲散急食辛以散之。以辛補之以酸
瀉之。心苦緩急食酸以收之。心欲軟急食鹹以軟之以
酸補之以甘瀉之。脾苦濕急食苦以燥之。脾欲緩急食
甘以緩之以甘補之。以苦瀉之。肺苦氣上逆急食苦以
泄之。肺欲收急食酸以收之以酸補之以辛瀉之。腎苦
燥急食辛以潤之。腎欲堅急食苦以堅之以苦補之以

鹹瀉之。雖然。苦者直行而泄。過苦則傷氣。須鹹以佐。辛者橫行而散。過辛則傷皮毛。須甘以佐。酸者束而收。過酸則傷筋。須辛以佐。鹹者止而軟。堅。過鹹則傷血。須甘以佐。甘之一味。可上可下。土位居中而兼五行也。過甘則傷胃。須酸以佐。淡品無味。五藏無歸。專入太陽。微利小便。過利仍傷。須統五味而消息之。知此數者。其於苦欲補瀉。益得其平。而心肝脾肺腎各盡其性矣。

品藥製方治病解

萬物皆藥也。利而行之。無有窒礙。方書之所以作也。是故陰中陽。陰中陰。陽中陰。陽中陽。品藥之性也。君爲主。臣爲輔。佐爲助。使爲用。製方之旨也。逆則衰。從則制。經以時權。得中治病之法也。辛甘味薄爲陽。辛甘則發散。味薄則通。陰中陽也。酸苦味厚爲陰。酸苦則收降。味厚則泄。陰中陰也。味鹹氣薄爲陰。味鹹則滋利。氣薄則和。陽中陰也。味淡氣厚爲陽。味淡則滲洩。氣厚則溫熱。陽中陽也。必熱必寒。必固必散。君之主也。不宣不明。不授不行。臣之輔也。或收或和。或發或補。佐之助也。能升

能降能合能開。使之用也。邪暴須去。破留須行。續堅須
攻。除濕須泄。逆則去之。熱病用寒藥。而導寒致熱者。必
熱。陽明病發熱。大便鞭者。大承氣湯。酒製大黃。熱服之。
類也。寒病用熱藥。而導熱去寒者。必寒。少陰病下利。服
附子乾姜不止。自通滿。加人尿猪胆汁之類也。寒病用
通藥。而導通除寒者。必塞。胸滿煩驚。小便不利。柴胡加
龍骨牡蠣湯之類也。通病用塞藥。而導塞止通者。必通。
太陽中風下利。心下痞硬。十棗湯之類也。從逆制也。驚
者。平之。勞者。溫之。散者。收之。損者。益之。經以時也。治遠
以大。治近以小。治主以緩。治客以急。權得中也。易曰。同

聲相應。同氣相求。水流濕。火就燥。本乎天者親上。本乎地者親下。物各從其類也。爲其從類。乃依類品藥。緣藥製方。按方治病。蕩蕩平平。與物皆春。功其成也。或曰。藥陰則無陽。藥陽則無陰。眼藥雜沓。無用。若臣佐使。眼病純一。不必逆從。經權此。齊東野人。謂之瞽。而惑於大道者也。

點服之藥用須適宜說

眼科之藥外治曰點內治曰服有點而不服有服而不點有點服竝行此何以故蓋病分內外治有輕重內症已成外象都無不必點惟以服藥為主假初起輕發不過微邪邪退之後又爲餘邪點固可消服藥夾攻亦可若內病方殷外症又險必須標本合理故點服俱行夫藥所以補偏救弊非不得已二者都可不必今人喜點惡服或癖服毀點壹皆見之偏也總之本重於標點維從輕所謂止其流者莫若濬其源伐其枝者莫若斷其根揚湯止沸不如釜底抽薪標重於本服維從輕所謂

物穢常浣。鏡垢須磨。汗液塩鹵。着刀劍必鏽。不經磨礱。
焉能利用。一執已之膚見。則標本遂亂。標本亂而病能。
愈者未之有也。參云。伐標仍審本。顧本勿忘標。主內失。
外。謂之癰。治內失外。謂之愚。內外兼理。是爲良醫。

制藥用藥論

制藥如理刑。出入寒熱之間。生死所係。用藥如將兵。整
練生熟之際。成敗攸分。銖黍之差。雲泥迥隔。可不慎與。
今之庸醫。但見目病。卽作火治。或難之謬。引非熱不發。
非寒不止之說爲據。詎知本科有許多陰。憊陽衰假寒。
假熱。當用甘溫滋養之。扁曷可獨言是火。而概施寒劑。
也。夫寒藥傷胃。損血。恐標未退。而本先虧。本虧愈不能
驅邪外散。久之必加甚。彼仍不省察。再投再煎。病變不
可爲矣。然亦不宜執。設是火證。投以熱品。此澆油滅火。
其焰尤烈。或性癖辛溫。稍涉清涼。便憎而怖。其伎倆去

庸醫遠甚。若乃藥之生熟。生者性悍而味薄。其行也急。宜劑用之。所以專其皮伐。熟者性醇而味厚。其行也緩。補劑用之。所以藉其資助。市醫貲力不繼。輒採鮮卉。應急。弗思藥有造地。本草不錄。則名號不正。而道地奚自。變合式非王道耳。苟藥氣偏勝。而藏氣能無偏絕乎。抑有以生藥爲嫌。專尚烹煉。稱奇。要知藥有氣味。水火太過。則氣味已易。而精英悉去。所存者特死魄耳。其才力既不及。而爲政可冀有成乎。且藥酸鹹無升。甘溫無降。苦寒無浮。辛熱無沉。性也。升者納以鹹寒。則降而直達下元。沉者和以姜酒。則浮而上至巔頂。是性雖在藥。而

正逆邪通達。真病實下大誤。一旦臨終。傾之症。拍案反
從。若涉大海。莫知津渾。幾微之間。生殺頓殊。況是假虛
之病。不多見。而假實之症。恆有。假寒之候。如瀉。而假熱
之候。不可救。一劑入口。五內逆戾。人非木石。豈亦衆心
然。又有反從而逆正。假病醫至真病者。其疑似之害之
也。皓首窮經。不免一失。哀哉。故謹錄其辨病治病之
難者。以告後人。仁以爲己任者。當必烈爲用心。

辨病治病疑難說

辨病之難不難於真正而難於疑似。治病之難不難於正逆而難於反從。蓋積在中實也。甚則默默不欲語。肢體不欲動。或眩暈昏花。泄瀉不時。皆大實有羸狀也。正如食而過飽。反倦怠嗜卧也。脾胃損傷虛也。甚則脹滿而食不得入。氣不得舒。便不得利。皆至虛有盛候也。正如飢而過時。反不思食也。脾胃虛寒。真陰症也。陰盛之極。往往格陽。面紅目赤。口舌破爛。手揚足擲。語言錯亂。有似乎陽也。正如嚴冬慘肅。而水澤堅冰。堅爲陽剛之象也。邪熱未解。真陽症也。陽盛之極。往往發厥。厥則口

鼻無氣手足逆冷有似乎陰也。正如盛夏炎灼林木流
津津爲陰柔之象也。所以前人有云。實見瀰狀虛得盛
候。誤在補瀉陰症似陽。陽症似陰。懸於溫涼。可不辨乎。
其實亦易明。如真寒者。厥冷嘔吐腹痛泄瀉小便清頻
卽有熱發。必欲得衣服。沉小或遲而濡。目得熱氣則少
瘥。血熱者煩躁喘滿聲壯厲。大便秘結。小便赤澀發
熱。揄衣脈滑數。或大而有方。目痛畏光與熱。假寒者身
雖冷却惡衣。便熱且難心煩喜飲。上下氣出鼻穢。脈遲
有力。或沉而鼓激。假熱者雖面赤身熱。衣被不撤而
神靜。語雖譫妄聲息則微。或虛狂起倒。禁之則止。或蚊

跡花斑而淺紅細碎。或喜冷水而所吸不多。或大便不解而小便多利。脈雖數而濡。或浮大無根。及牝弦斷續。真虛者色怵形疲。精衰氣怯。自汗不收。二便不禁。脈弱無神。真實者內結藏府。外閉經絡。氣壅不行。血留爲禍。脈形俱盛。假虛者狀似羸。而脈病爭強。假實者病雖盛。而正氣大衰。治真虛者補。真實者攻。真寒者溫。真熱者涼。是謂正逆。假寒者清其內熱。內清則浮陰退舍。假熱者溫其直陽。中溫則虛火歸原。假虛者正氣旣無損。當直去其邪。邪去則身安。假實者邪氣雖盛。當兼輔正。正存則不致大患。且補中自有攻意。世未有正氣復而邪

不退者亦未有正竭而命不傾者萬不得已亦宜從輕從緩寓戰於守斯可矣。是謂反從。要之能勝攻者固實證實者多熱藥雖寒無慮不能勝攻者便是虛虛者多寒藥非溫熱恐呼吸變生轉應無及是故疑似之症神色不足憑當參以脈理。脈又不足憑當察其稟受喜溫喜涼與夫痰汗便溲惡寒惡熱。暨病之久新藥之誤否。然後下以湯劑雖不中不遠矣。若乃塞因塞用通因通用。熱因熱用寒因寒用。用熱遠熱用寒遠寒者如脾虛作脹治以參朮脾得補而脹自消。腎虛氣逆上治以五味子腎得補而氣歸元逆滿自平。塞因塞用也。傷寒揆

熱下利。或中有燥糞。用調胃承氣下之。乃安。泄下不利。用芍藥湯通之而愈。通因通用也。藥本寒也。而反佐之以熱。藥本熱也。而反佐之以寒。俾無拒格之患。經所謂必先其主。而伏其所因。其始則異。其終則同。熱因熱藥。因寒用也。寒病宜投熱藥。熱病宜投寒藥。導便導喘。勿過用焉。過用轉恐爲藥傷矣。經所云。从面增氣。物化之常氣。增而从天之由也。用熱遠熱。寒遠寒也。以上諸法。亦從治之大凡。擴而充之。惟在明其有觸類而己。故曰。病無常形。醫無常方。藥無常品。順逆權衡。存乎其時。君臣佐使。存乎其用。聖神工巧。存乎其人。彼自庸自專。以

使在人也。故夫四郊多壘。非耀德觀兵。不能親雍熙之治。車書一統。非刑齊禮教。何以敦仁讓之風。而曰川藥如將兵。制藥如理刑。豈虛語哉。粗工全不理會。居常生熟失宜。寒熱互錯。不致生者死。而成者敗也。鮮矣。臆。

開導

開導之理同乎戰。請以戰喻。今列陣圖八盡百會。後頂攢竹。晴明上星。內臉左右風池。左右太陽也。內臉乃摧堅破壘之先鋒。其任居一太陽風池。攻其左右翼也。任次之。上星絕其糧道也。後頂斷其歸路也。糧絕路斷。勢必北壯。士正可効其命力。百會鳩敵之巢穴也。凱旋雖速。乘險而征也。晴明攢竹。特擊其遠騎耳。斬寇立功。端不外此八者。所謂不入虎穴。焉得虎子者也。伊人形實病淺。攻其內則邪自退。倘六陽熾盛。頭痛目傷。或臃脹痰肉。藥力不及。不能開導。以宣泄其壅蔽。吾知其焦槁。

不在期月。而在時日之間也。或謂開導如過鼠竊。人集
勢弱。我繁實而賊擒矣。設羣盜凶獷。迫無出路。必有擊
觸之變。所謂與其閉門截捉。不若開路逐之之爲善也。
嗟夫。由余之說是美開導之法。由或之說是慎開導之
用語。似異而意則一也。醫昧於輕重緩急。以辟止辟。當
行不行。而以暴易暴。可止不止。方諸謀士。則蔣幹往復
東吳。安得不沒全軍於赤壁穴。法謹詳於左。

百會一名巔上。在前頂後一寸五分。在耳尖上對是穴。
頭風急痛。用艾絛毫針刺。及骨燃著火。盡痛不止。再灸
三五壯。

上星一名神堂。在鼻直上入髮際一寸。頭痛睛痛。仍用前法針灸更宜。三稜針出血。以瀉諸陽暴氣。

風池在腦後髮際大筋外廉陷中。偏正頭痛。頭項如拔毫針刺三分。灸三壯。

太陽一名瞳子髎。在目外去眥五分許。目暴赤腫痛。及頭風頭痰。氣脈即現。按之翁翁動。宜疾砭一二下。出血不愈再灸。

後頂一名交衝。在百會後一寸五分。仍先刺後灸。主治頭項強急。額顱狂痛。偏風目眩。

內臉即肉輪。胞極血瘀。睛痛難忍。宜三稜針向上胞重

砭出血下胞仍輕刺一二下不效。

撥竹一名夜光兩眉頭盡處是穴赤腫不退無妨晷候出血目睛動火針亦可少施。

睛明一名淚孔在內眥頭外一分宛中。日痒而眩迎風淚出毫針刺艾燼再換禁灸。

砭針古用石鋒今代以三稜銅故刺亦曰砭毫針一名火針灸乃艾丸子灼肉之謂。本經統名開導。世人罕得心傳。余粗知一二。然當險惡之症服藥漸退不用斯法居多。知猶未知也。且經曰察其所痛以知其應。當就痛處而施之。無不愈者。書載通身經絡按圖。

指病萬千其名而針法不講雖有三分五分之數如頭面諸穴皮骨相着那能刺入許多眼前人道荒謬不合如此特正之共分寸非黃鍾累黍之尺可得須本病人中指中節爲則度之若遇筆頭虎頭二公又當億中不可以矩步相繩

鈎割針烙

原夫鈎割針烙之術。倣黃帝九針所作。開自漢元化華。先生得來一云龍樹山人。未知孰是。出陰拯危。功效最速。本科專此實泄利鬱滯。剪除橫逆之一法也。如鈎。先須認定何處皮肉筋膜浮淺。可鈎不可鈎。卽手法亦隨病之輕重行之。如割在土金位。患攀睛。雞冠。蜆肉。魚子。石榴等症者。可大背頭一塊紅肉。乃心之英華。悞犯則血脫而言。或元氣薄。及燥急濕盛。因而惹風。必爲潰。爲漏。爲枯陷。風輪肉蝕。鈎得便割得。其絲血厚蔽。畧畧剔去外邊。穢瘀與峯起者。貼睛淺障。耐此磨濯。自消。特性。

急取快。恐怕青流珠碎針。即針內陷。發反背刺。痰核。豈
開導破灸之針。詳於本症本論。不復臆列。至於烙。只能
治殘風炫爛。重而不愈者。輕者亦不須。若障屬血分。
割如再長。務火烙以斷之。始平且藉其能止血。不致亡
陰。倘在黑白之間。切勿行。總四者之法。功效雖速。必不
得已而用。全在心細胆大。手準力完。庶幾無害於事。事
後當按症用藥。苦欲補瀉。各隨藏府所宜。否則氣散血
凝。割肉成瘡。縱有今日之明。不從終爲。痼疾夫然後起。
龍樹元化盡黃帝九針之術。無能爲也。噫。審諸

五行邪正致病暨虛實傳染統論

醫科之事。惟目症治最繁。一以貫之。五行生尅。內外感傷而已。第傷於內者。必達於外。感於外者。必傳於內。一傳再傳。一達再達。則陰陽錯亂。五行雜見。外感者。幾爲內傷。內傷者。幾爲外感。生者。等於尅。尅者。等於生。斯者。猶不能辨其精微。彼癩疥方書。安望其舍此無辜。伐彼有過。認真於虛實。賊微傳併自合之病者哉。夫所謂虛實。賊微傳併自合者。蓋天地生人。稟賦大異。情好各殊。子國子曰。人心之不同。如其面焉。惟其不同。以故憂愁思慮。傷乎心。積爲伏梁。形寒飲冷。傷乎肺。積爲息

實。志怒氣逆上而不下傷乎肝。積爲肥氣。飲食勞倦傷
乎脾。積爲痞氣。久坐濕地。強力入水。傷乎腎。積爲奔豚。
種種人欲難以筆罄。此無病而致其病也。所謂飛蛾撲
火。自焚其身。豈難。以絲象以齒故也。況且陰陽戾氣。無
時無之。此中人最易相犯。今既已犯耳。自然各從其偏。
而加甚。乃發爲中風。傷暑。中痰。傷寒。中濕之五邪。五邪
之來。又當有別。蓋從前來者爲實邪。從後來者爲虛邪。
從所不勝來者爲賊邪。從所勝來者爲微邪。自病爲正
邪。如心火因肝木之邪所致。火生於木。是從後來。火中
有木。木能尅土。無土則水至而制火。故曰虛邪。因脾土

之邪所致。土生於火。是從前來。火中有土。水不能至。而火無懼懼矣。故曰。實邪。因腎水之邪所致。水能尅火。是從所不勝來。既不能勝。勢必爲禍。故曰。賊邪。因肺金之邪所致。火能刑金。是從所勝來。勝應不能爲害。然有反尅之理。故曰。微邪。心火自炎。無他邪相干。故曰。正邪。假令心病。由中風得之。爲虛邪。色當赤。何以言之。肝主色。入心爲赤。入脾爲黃。入肺爲白。入腎爲黑。自入爲青。肝邪入心。故知色赤也。其病身熱。脇下滿痛。其脈浮大。而弦中痰。得之爲實邪。當喜苦味。脾主味。入心爲苦。入肺爲辛。入腎爲鹹。入肝爲酸。自入爲甘。其病身熱。體重。諸

諸四肢不收其脈浮大而緩傷寒得之爲微邪當譫言
妄語肺主聲入心爲言入肝爲呼入脾爲歌入腎爲呻
自入爲哭其病身熱酒洒惡寒甚則喘咳其脈浮大而
濇中濕得之爲賊邪當汗出不止腎主液入心爲汗入
肝爲淚入脾爲痰入肺爲涕自入爲唾一日自入爲精
其病身熱小腹痛足脛寒而逆其脈沉緩而大中暑得
之爲正邪當惡寒臭心上臭入腎爲腐入肝爲臊入脾
爲香入肺爲腥自入爲焦其病身熱而煩或心痛其脈
浮大而數此經與彼經齊病曰合一經二經病一經罷
而一經加甚曰併傳卽五邪往來自乃正邪別名自我

因他。回融胎鑒。病雖變幻萬端。亦有以宰制之法。此上
工所以知將來而治未病也。是故古人立言垂訓。製方
療病。有病源卽有病症。有病名後人顧名思義。援症投
藥。若合符節。何異非造化樞紐。但其理深不易窮。博而
難約。無以豁淺人之胸次。故各家醫集具在。蛛網塵封。
從未有翻閱到底者。愚妄以意逆志。始以論說。繼以詩
詞。以圖像。以註釋。有不能言語形容者。必旁求曲喻。務
使傷感淺深病症內外。悉寓於短章尺幅之中。一覽了
然。不遺餘蘊。不生厭瀆。而後已。蘇子曰。惟求疾愈。何必
困醫意在是也。若夫心病者。愈在季夏。季夏不愈。甚於

冬冬不變持於春起於夏。又病在心戊己愈。戊己不愈加於壬癸壬癸不變持於甲乙起於丙丁者。流此經所謂邪氣之客於身也。以勝相加。至所生而愈。至所不勝而甚至所生而持。自得其位而起。亦五行生尅之理。乃症治後一着事專於斯者。又不可不知此也。已上諸說舉心爲例。餘可類推。非先主而後臣也。其藏如此。其府可知。非重藏而薄府也。篇中虛實二字。須毋執着。尤不可輕易放過。經曰必先度其形之肥瘠。以調其氣之虛實。此以形體別虛實也。又曰邪氣盛則實。形氣奪則虛。此以邪正別虛實也。以飲食言曰穀盛氣盛。穀虛氣虛。

以血脈言曰脈實血實脈虛血虛至云邪之所湊其氣必虛留而不行其病則實分疏到此無隱不彰矣進而論之實者邪實虛者正虛邪虛正實邪實正虛何則夫人真元不虧邪何能入卽入亦不甚深畧用清和之品其病立退凡用大熱大寒之劑者皆正氣素虛而邪氣暴實也若虛實只從前後來論則百病但有傳與而無自受耳若虛實豈作血氣衰旺看則百病但有內傷而無外感耳且虛必議補邪虛正實早用恐養奸貽患實必須瀉邪實正虛數進恐喜攻增氣諺曰實實損不足虛虛益有餘盲人騎瞎馬夜半臨深池其機如此卽就

此機而參之思過半矣。嗚呼醫者意也。藥者却也。却病
之方不外補瀉得醫之意。無非虛實。能知虛實。定以補
瀉。醫事盡之矣。更不必陰陽五行。一以貫目症之繁。